



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

**Komunikadu Imprensa**

**24 Janeiru 2014**

**Primeiru Ministru husu Parlamentu Nasionál reforsa fiskalizasaun iha 2014**

Iha 20 Janeiru 2014 liu husi diskusaun plenária Parlamentu Nasionál (PN), Primeiru Ministru (PM) Xanana Gusmão husu ba membru deputadu sira atu haforsa liutan programa fiskalizasaun ba programa governu nian iha tinan ne'e. Tanba tuir PM kada tinan proposta Orsamentu Jerál Estadu kontinua aumenta no halo deputadu sira mós kontinua preokupa ho nia balansu ezekusaun. Pur-ezemplu iha tinan 2013 deputadu sira konsidera ezekusaun orsamentu lao la efetivu .

“JSMP apresia komitementu Primeiru Ministru nian hodi husu ba deputadu sira atu bele apoiu governu iha parte fiskalizasaun hodi bele garantia servisu ne'ebé efetivu, efikas ho qualidade ne'ebé di'ak tuir kompetensia fiskalizasaun ne'ebé konstituisaun atribui ba deputadu sira, ” dehan Luis de Oliveira Sampaio, Diretór Ezekutivu JSMP.

Mesmu nune'e, JSMP katak sein PM husu ba deputadu sira, tuir Artigu 92 Konstitusaun deputadu sira iha Parleментu Nasionál iha kbit konstitusionál atu halo fiskalizasaun. Tanba ne'e, JSMP husu ba Parleментu Nasionál atu utiliza poder konstitusionál ne'e ho efetivu hodi halo planu fiskalizasaun ne'ebé adekuaudu iha 2014 nune'e bele halo kontrola di'ak liu ba ezekusaun orsamentu estadu 2014.

JSMP observa katak durante diskusaun ne'e, Primeiru Ministru, Xanana Gusmão kontinua sujere ba deputadu sira atu iha tinan ne'e, kada fulan 3 bele iha diskusaun entre deputadu ho membru governu sira hodi indentifika problema no difikuldade sira. Nune'e bele buka solusaun ka rezolve tuir ministeriu ida-idak nia problema bazeia ba fiskalizasaun deputadu sira nian iha baze, ho nune'e bele hadi'ak liutan servisu tuir interese povu nian.

Sujestaun Primeiru Ministru nian ne'e, hato'o iha plenaria bainhira partisipa iha diskusaun ba aprovasaun Textu Subtitutivu Komisaun Eventual nian ho votus afavor 61, abstensaun 4 no kontra0. Textu ne'ehetan mudansa aumentu ba orsamentu iha kategoria saláriu no vensimentus, bens servisu, transfrensia públikas no kapital minor hodi hamenus kapital dezenvolvimentu husi \$525,544 milhões ba \$ 455,349 milhões.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

Telephone:3323883 |77295795

Website: [www.jsmp.tl](http://www.jsmp.tl)

Face book: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPTl